

Գարնան ծաղիկ ես

Garnan Tsagik Es

Gusan Havasi



Գարնան ծաղիկ ես, ծաղիկ հոտավետ,
Բույրո՞ղ գալիս է անուշ հովի հետ,
Գարունն է լցրել քեզ իր շաղերով,
Բլբուլն է երգել անուշ տաղերով:

Մենակ ես բացվել գարնան բաղի մեջ,
Նոր արշալույսի անուշ շաղի մեջ,
Մենակ ես հաղթել հազար-հազարին,
Հազար երանի քո սիրած յարին:

Անուշ աղբյուր ես՝ սարից ես գալիս,
Ծառավ ճամփորդին ջուր էլ չես տալիս,
Հեռվից կարծում են զովացնող ջուր ես,
Խմողին այրող կրակ ես, հուր ես:

Բաց արա լեզուդ, լուկ մի բառ ասա,
Ջրով չի մարի, ի՞նչ կրակ է սա,
Բաց արա սիրտս, թող ապրեմ էլի,
Դարձիր Հավասուդ, անուշ նազելի: